



UNIVERSITÄTS-
BIBLIOTHEK
PADERBORN

**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 15. Episcopus Hybernum bis Hæreticorum manus euadit.

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

rat annos. Cum nullus litis exitus reperiretur , conuenit inter eos , vt controuersa crux Lauretanæ Virgini adiudicaretur . Gratum id Deiparę fuisse docuit euenus . Eam crucem depositam apud se Hieronyma Columna Dux Montis Leonis habebat . Igitur sorte quadam diuinitus accidit , vt cum Martinengus religionis ergo ad Aedem Lauretanam venisset ineunte Maio , eodem tempore , ijsdemque diebus Hieronyma quoque veniret , Martinengi aduentus prorsus ignara . Ergo illum ex improviso Laureti conspicata obstupuit primo : inde salute data , redditaque , crucem illam B. Mafiae adiudicatam se mira opportunitate secum attulisse ait . Et aderat solennis inventæ Christi Crucis dies . Itaque amborei diuinitus attemperatae miraculo attoniti , ad sacrosanctam cellam patiter pergunt : gemmatamque crucem , ipso die Crucis sacro dedicant Virgini , dicas illam suo tempore repetuisse depositum . Ea crux hodie è gemmata B. Virginis Zona pendet eximij ornamenti præcipuum decus . constat quippe adamantibus satis magnis novem , quos tres vñiones ingenti magnitudine instar cerasorum adornant . quatuor circiter aureorum millibus aestimatur .

Episcopus Hybernius bis Hæreticorum piratarum manus euadit . Adolescens præsenti naufragio eripitur . Cap. XV.

Nec muneribus , quam miraculis clarior per id tempus Lauretana Aedes extitit . Edmundus Hybernius Ardacacensis Episcopus eodem ferme tempore duplicitis voti reus Lauretum venit . Veniendi causa hæc fuit . Is ob religionē ab Elisabetha Angliæ Regina pulsus in exilium , cum fidis aliquot famulis profugerat in Scotiam . Sed unde præsidium quærebat , periculum extitit . Scotiæ Proceres Angliæ Reginæ rogatu , Edmundum in vincula coniici

conisci iubent. At ille rem odoratus, clam consensa naui, Reginæ insidias solerter elusit. Cæterum manifesto periculo perfunctus, haud multo post occultum aliud discrimen incurrit. Nec fortuita res, sed diuina fuit. Id adeo, & discriminis tempus, & oblatum in tempore cœlesti auxilium ostendit. Nam dum Galliam Edmundus pettit, in Dracum Anglum Archipiratam nobilem incidit, Pridie Natalis diei B. Mariæ, qui dies ab Episcopo, eiusq. famulis præcipua veneratione agitabatur. Et oblati in sōnis vni ex comitibus species omnes ad spem salutis erexit. Is ea nocte, quæ occursum hostium antecessit, visus sibi erat in quiete cum hæreticis in magno hominum confessu disceptare nudus. Ibi nuditatem suam erubescendi virgo excellenti forma, candida in veste occurrit, quæ illum enixe rogitantem, ut suam nuditatem tegeret, benignè, comiterque sua operuit palla. Hoc ille deinde visum cum enuntiasset Episcopo; communi consensu statuerunt, obuersatam in somnis Virginem, vtique Deiparam fuisse, cuius præsidio tegendi forent. Itaque Edmundus aduentante hostium classe, cum humanum nullum pateret effugium, Mariæ Lauretanæ (cuius dies natalis terram ei spem ostendebat salutis) cum suis implorat opem. Adiectum precibus votum. Hostium manus si euassissent, ad Lauretanam Aedem ituros, ac per triduum iniibi sacris operaturos. Nec irritæ preces, votumue. Gubernator nautis, qua vehebantur, specie hæreticus, Catholicorum fautorum se in ipso temporis articulo præbuit. Namque ut Anglicanam classem adesse vidit; ratus id quod erat, Catholicos, quos vehebat ad necem quæri, Episcopum cum famulis occuluit in sentina, remotissimo ab oculis, tenebrisissimoque loco. Ibi nauis iam ab Anglis capta, & in Angliam abducta, octo ipsos latuerunt dies, Nauarchio cibaria semel in die clam subministrante. Neque tamen interim prædones Angli segniter captam scrutati sunt onerariam. Quotidie certatim infensis animis, omnes

rima-

B1002

rimabantur angulos, Episcopum de cuius fuga cognorant
quæritantes. Ad ultimum accensis facibus, cuncta inten-
tius perscrutantes delabuntur in sentinam. Ventum erat
ad latebram. Quo præsentius periculum, hoc euidentius
Deiparæ auxilium exstitit. Iam sacerdotem, cui visum in
sommis obiectum diximus, depræhetisum in proximum at-
traxerant tabulatum, cæteros vestigaturi, cum diuinum
Catholicis præsidium senserunt adesse. Mox quippe sa-
cerdotem illum diuinatus ex ipsorum elapsum manibus
nunquam postea reperire potuerunt. Ergo octauo de-
mum die scrutandi defatigatione, curam quærendi Epi-
scopi omiserunt, ita natus dimissa à prædonibus iter coe-
ptum repetijt. Ecce autem aliud ex alio periculum. In eo
dem Gallicano cursu classis alia piratarum occurrit, qui
truculentiores prioribus, Edmundum Episcopum Elisa-
bethæ Reginæ instinctu quærebat ad necem. Hi nauicar-
pta, in eam transiliunt, euentunt merces, admotisque lu-
minibus cuncta loca scrutantur intentiore cura. Venitur
ad latebram. tandem Episcopus ipse comprehēditur. Actū
erat, nisi presens Deiparæ tutela furorem hostium retudis-
set. Ecce tibi dum captum extrahere conantur, repente ca-
pti ipsi oculis, lymphatisque similes errare cœperunt. Tan-
dem haud dubia Dei vindicis ira conterriti, captam one-
rariam dimittunt. Illa repetito cursu, optatum fauente Vir-
gine tenuit portum, bis paucis diebus ultimo periculo de-
functa. Episcopus eiusque familiares votorum, haud pa-
rum memores, protinus ex eo loco, ubi in tertam descen-
derant, pedibus Lauretum usque venerunt an. post Chr.
natum M.D.LXXXVI. Et Episcopas votis rite persolutis
totam rem litteris consignatam apud Aedem Lauretanam
reliquit, duplicitis in duplice periculo suo auxilijs B. Mariæ
argumentum. In sequenti anno alium B. Virgo haud mi-
nore miraculo à mariis fluctibus liberavit, quam illos ab
infestis prædonibus liberauerat. Ioan: Baptista Capra à
Monte Albodo (oppidi in Piceno nomen est) adolescentis
probus

probis, ac pius, phaselō vectus Calabriæ oram legebat. Ventum erat in conspectum insulæ Vulcaniæ (ea Siciliæ insulæ obiacebat) cum repente eum atrox vis tempestatis adorta in ultimum discrimen adduxit. Iam fractis remis, veloque amissis, prope erat, ut vexata nauicula mengetur vndis; cum ipse ad spem salutis semet erexit. Itaque Mariam Lauretanam inuocans exclamat. Ut Angeli tuam Domum in Picenum, ubi nunc colitur; detulerunt, sic tu Deipara Virgo nauiculam hanc defer in portum. mira res. His precibus, velut freno injecto, procella sedatur secundus repente ventus exsistit. Phaselus in tutum appellatur. B. Virginem clienti suo obsecundare, & famæ transiectæ ab Angelis Domus suæ fauere sentires.

Duo sacerdotes Lauretanæ Domus calcem furto
sublatam malo docti restituunt.

Cap. XVI.

Confirmata hoc miraculo Lauretanæ historiæ fides, alio subinde sacrosanctæ Domus religio sancta. Eo ^{Vicf. Brig.} anno ipso sacerdotes duo Placentini, ex composito, calcis aliquide sacro pariete sustulerant eo consilio, ut id secum circumgestarent, Lauretanæ Virginis monumen- tum, vitæque præsidium. Sed quæstū inuitò Deo præsi- dium in periculum vertit. In patriam regressos atrox pariter, minaxque occupat febris: qua pertinaciter ter- tium iam mensēm vrgente, tandem resipiscunt. Subit animum memoria Lusitani Episcopi, qui quanquam permisso Pontificis, lapidem ex Lauretana Aede sum- pisset; tamen infenso Deo, pene exitiali oppressus sit morbo, ex quo non ante conualuerit, quam facrum Vir- gini restituerit lapidem. Ergo ambo communi consilio decernunt B. Mariæ reddere, quod abstulissent: eamque enixe orant ipsorum in scitiæ ignoscat: suaque recepta re,

pristi-